

卷六

書名 文潞公文集四十卷 嘉靖五年高陵呂氏刊本
 撰者 宋 文彥博 撰，明 呂柟 校
 卷 卷六
 內容分類 集 別集 北宋
 索書號 集部 別集 3 28
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部 別集 3 28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

帝乃備法駕幸于太學詔諸儒博士講論前典親
 聽焉臣獲逢休吉之期恭聞偉盛之事舞蹈不足
 於賦誄誠不能述宣上德褒讚形容姑第樵夫之
 不協擊轅之韻爾詞曰
 受命之四葉皇上御極之三年九有成若六合
 黎庶躋于壽域文教燭乎永天朝無闕政野無

文選公文集卷第六

律詩

西都留守宣徽王祈謝嵩祠往還敝庄因成

雅章為貺謹次嚴韻

時判河陽

臘雪應祈沾下土
府公遵命祀中天
定陪仙馭經緱嶺
應訪禪林過玉泉
和氣隨風生二室
歡誼繼日滿三川
悠悠大旆纍纍印
却愛蘇家省郭田

若比揚雄多一屢
僅同徐勉葺東田
溝塍萬畝言之過
却恐增添助後錢

前朔憲孔嗣宗大傳過孟云近於洛下結窮

九老會凡職事稍重主事稍豐者不得與焉
其宴集之式率稱其名其事誠可嘉尚其語
多資嗚噓因作小詩以紀之亦以見河南士
人有名教之樂簡貪薄之風輒錄呈留守宣
徽聊資解頤

洛城冠蓋敦名教任是清貧節轉高見說近添窮九
老洛中舊有九老之會此四矣從初便不要山濤

謝留守王宣徽寄花

遠惠奇花自洛城吟觀醉賞動鄉情開編讀到安仁
傳方信河陽浪得名

再和

惟有陳園接府城池塘花竹可娛情雖然不及芙蓉
萼猶得河橋史館名孟人謂陳園為河陽史館故公有赤土之戲耳

詩謝留守王宣徽遠惠牡丹

姚黃左紫狀元紅打剝栽培久用功采折乍經微雨
後絨封仍在小奩中勤勤賞玩傾蘭醕漠漠馨香逐
蕙風猶恐花心懷舊土戴時頻與望青嵩

熙寧癸丑季冬十有二日某被旨謝雪於濟
祠已事與秘書監劉几光祿卿直史館張靖
太常少卿馮章李潔已屯田郎中陳安期祕

書丞張端同遊枋口泛舟沁水至峴石而登
岸歷觀巖谷間前賢之題名翌日游化成寺
以車渡沁回入盤谷窮覽山水之嘉處由燕
川而歸

枋口作

下馬入枋口漾舟綠碧溪雪消山骨瘦風定浪頭低
數里復登岸群賢俱杖藜徘徊巖石畔尋覓退之題

化成寺作

唐裴相之山
墅捨為寺

昔覽傳心法知公素學禪今遊化成寺使我復思賢
大捨傾高產多生結勝緣人琴雖已矣松菊尚依然

寶地侵蒼蘚巍峯柱碧天撮衣書久失

裴相撮衣書
寺額今失之

巖石像猶全

下有石像製作甚工共
下刻云天寶十三載造

境寂遺塵慮

僧閑足晝眠欲歸情戀戀緩轡出燕川

過燕川渡

早過燕川渡千峯挿大虛雲開微見日水淺不漸車

時造車為風急樵歌響霜嚴木葉踈綠溪東北去巖

腹有精廬成即化

盤谷作

昔有幽棲士茲焉遂考槃驚眠澗泉響醒酒谷風寒
列岫開窓見冥鴻倚杖觀韓文傳已久合在翠巖刊

舊有石記
今已失之

原心也。垂直隱韓文旨趣深本非逃富貴豈是愛雲林
已失豪華望方萌退縮心歸來老窮谷村叟共浮沉

自濟源回及中道得通守郎中詩跋羨山水

之遊以不得陪從為恨因以詩答之通判李

奉祀靈源臘雪餘薄寒風景似春初因尋山下游三

日惟恨罇前欠二車南望思君回五馬北來遺我得

雙魚新詩兩首連城貴百斛驪珠價不如

司空相公特貺雅章俯光陋跡依韻和呈以

荅厚意

一代勲賢孰擬倫惟公爵德齒俱尊顧慙參魯辭樞

筦輒繼蕭規偃輔藩每到碧連思召矣時傾綠醕憶

曹樽平嵩極目西南望仁里高閣近鼎門富公宅直
定鼎門

初泛舟新宅觀子弟輩作詩因為此示之

舊池疏引透新池轉覺澄瀾勢渺瀰得志魚蝦爭跳

躍無根萍梗任推移船頭欲過衝橋脚柳眼初開映

水湄借問阿連春草句何人先把紫毫摛

將赴大名奉寄西都留守王宣徽

驟易銅臺守脂軍冒蘊隆北行如拾魯南望倚平嵩

畏日臨傾覆驚飈走斷蓬伊流舊親友應亦念衰翁

春早既甚禱祈未應小園即事

渴望甘膏蘇旱歲日趨祠廟釐虔祈春風也解相欺
罔鼓扇楊花學雪飛

寄相州侍中韓魏公

時留守北京

向在三城退公多暇日玩法書名畫以為娛
樂內韓晉公村田歌舞圖及顏魯公跋尾雖
得蒲中摹本其質頗類真蹟今再來大名屋
壁間觀公之書正與顏類覬得公之數字跋
尾以光前蹟是所願也非敢望也兼成小詩
藉以干澤

晉公名畫魚貝公書高出張吳與柳虞注畫記以張具為正絀幸
得魏公揮寶墨綠公措法亦顏徒

題韓晉公村田歌舞圖後

治世舒長日田家事力蘇干戈久不識簫鼓共為娛
濁酒行無算酡顏倒更扶將求太平象此是太平圖
題輞川圖後

吾家伊上塢亦自有椒園漠漠清香遠離離丹實繁
盈檐常要采折柳不須藩每看輞川畫起予商可言

即事偶書

熙寧甲寅歲作

世道逢消長人情徇愛憎光華如石火明滅似風燈

巢幙堪憂燕垂天不羨鵬危心戒行險視履益兢兢
昨夜飲散未眠偶成拙頌錄呈武功寺丞若
猶未棄無惜開示

以幻能除幻居塵不染塵略於歌舞地聊現宰官身
有法猶為滯無心乃是真還將所得趣試問悟空人
再荅

說幻緣知幻言塵為覺塵覺知今亦遣塵幻豈關身
獨體方無對雙脩未是真因君祗夜頌自愧小乘人
提舉劉司封訪別將赴滏陽輒成五十八言

沈劉

乞頌琳宮作散山雲情鶴態任天然榮驅軒馭歸仁
里懇拜封章解計權尺璧時光須愛惜寸金鄉土且
留連銅臺事事君誇託莫望西
緊着鞭

偶成小詩贈提舉劉司封

向上應無快活人斯言未敢便當仁留君且住非他
意好作熙寧第八春

家園醱醪自京寄至奉送提舉劉司封

小圃醱醪爛熳開盈箱採得寄銅臺當花對酒熏然
意信到清香洞裏來

提舉劉司封監牧張職方詠醱醪詩皆以微

文形於善譖輒成累句奉呈聊用解紛

蠻賤往復馮瓊瑰皆是論都作賦才花本無情亦無
語清香自到鄴城來

已折素華迷雪苑更將瓊艷照水臺劉郎曾入仙源
路又到唐昌觀裏來

招仲通司封府園避暑

騎山樓下水軒東一室初開待白公白云奇章好於南溪上別嘗一

室與白傳止宿故詩云終恐不雖是不如南澗上都

緣却有北窓風啣杯避暑稱滿朔飛蓋延賓在鄴中

解榻况逢徐孺子饋漿如飢與君同卒章賦之可

金宿樓望月呈仲通司封是少與賓佐會飲後園

滿滿十分酒高高百尺樓於茲賞圓月况乃值中秋
天宇浩無際露華光欲流西園清夜景公幹不同遊

又

緬想建安盛西園飛蓋遊初筵會才雅今夕繼風流

月伴昏星出雲隨晚吹收老生於此興不減庾荊州

詩贈提舉竇侍郎舜卿

紫髯真將白雲卿總領琳宮道氣清蘄竹一林曾斷

買青溪三弄得遺聲李倫自作思歸曲向秀方深感

舊情雖恨功名非謝傅樽前更欲聽君箏

舟中別後中夕無寐偶成四十言奉寄中輝
大卿史聊致黯然之懷

五十年親友如今兩鬢霜相逢在淇澳所樂似瀟湘
話猶如春夢聽歌放酒狂壓關樓下別一夕九回腸

依韻謝運使陳虞部生日惠雙鶴靈壽杖

仙禽壽杖垂佳貺
麗句雕章煥列星
深悉至懷形善禱
擬延西景駐頽齡

青田雙戲九臯鳴
屈降仙姿入戶庭
宜與衰翁為老伴
雪毛霜鬢共星星

瑰奇擢秀從王屋
靈壽傳名自漢庭
仁者存心安老

者欲扶蹇步得長寧

羨幹非緣削治成
挺然脩直體堅輕
仙郎曲借扶持力
使助登山蠟屐行

熙寧丙辰十一月二十八日安正堂喜雪

凍雲濃厚朔風嚴
紛揉瓊霏撲綺簷
斗變至和緣帝力
迎知上瑞協人占
晚歸漁市蓑衣重
曉上旗亭酒價添
更待三英同勝賞
翩翩賦筆紫毫鈿

雪霽金宿樓間望偶作

盈尺初晴皓采鮮
長空極望勢漫漫
銅臺不憚三休上
冰井須添一倍寒
舟楫侶從雲外過
園林如在鑑

老元師詩一首舉唱三觀圓成叵測精微但
深讚歎輒不自揆願繼善聲素昧宗乘頗慙

蕪陋

比土久無臨濟嗣宗風不振至于今方當魏俗依僧
寶湏訪堯山禮道林東去懇邀香象駕西來頓識祖
師心紺園變色慈雲庇部屋容光惠日臨理事融通
周法界處時同就聽潮音不分孔老為三教欲使瓶
盤作一金得度皆欣龜值木當機盡許芥投針伽佉
孤起開晨景連使金部伊字齊脩照溟陰連判運句
獨愧鈍根非了了宛同管非自沉沉願將天鉢清涼

水淨洗昏眸與濁襟

效唐杜牧之對酒絕句

醒時忙事醉時閑隨分傾盃也破顏若使玉樓休釀
酒春風應不到人間

追和

銷磨歲月功名內檢束身心禮法中除却高陽詩酒
伴人間誰解惜春風

問石楠

遣使赴西洛因書問石楠栽培既已久圍徑必須添
識布葉應籠檻抽梢定出簷丹心與勁節無憚雪霜

嚴此木盛冬枝生紅心

問栝

酷愛池南栝當年手自栽出藍常有望生白固難催
此木逾百年即有白衣如粉本草謂艾納香者得地根彌固凌霜勢不摧楸
梧皆不問為爾亦凡材

書扇

莫結新情斷舊情斯言明載坐忘篇心名口誦為深
戒祇恐迷情逐景牽

詩荅致政范侍郎致政內翰侍郎榮過郊居

少駐軒馭兼留詩詠俯賁丘樊輒次韻



郊居誠敞陋平地見伊光適值華軒過仍當煦景長
幸能留憩止豈敢謂高涼綠篠綠荒徑青蘿補壞牆
勸耕周厥土問稼保斯箱處擇仁為里歸尋醉作鄉
老懷從放達宴坐絕稀望後躅承相顧交情孰可方
清吟委珠玉雅奏協宮商似震驚群蟄如矜薦大房
畏塗逢善友酷暑得寒漿三復勞鑽仰詞雄韻更強
運判秘丞黃以某自大木後久無燕集聲酒
之樂貽書問念繼以佳章輒依來韻和呈
下水關樓張別宴別來惟是寄雙鱗近綠荒政須藩
樂趣辨輿梁為濟人水後橋道俱壞朝旨督促修治歌罷買珠收畫

扇舞停回雪卷文烟蓬山叔度憐勤瘁繼走郵筒惠
訊頻

謝運使陳金部生日惠繡壽仙香爐合依韻
和二絕句

締繡為章古法傳刺文肖象用功專他時携去伊川

鳩欲並西方睹叟仙伊上所居有積慶蘭若中有菴

寺世稱名筆今得壽仙可為
雙絕得非奇物有時和合耶

詩緣大雅成歌頌器自良工得範模珍重星郎為壽
意更從蘭省輟薰爐

龍圖給事使還過魏少留仙旆道舊為樂園

及北史魏收之語作為雅章輒敢寄聲聊資

一嘯蘇相

劇談亶亶倍塵麾奇表堂堂對仗犀易作詩章頗有

得難為通峭豈無稽回驅大旆龍沙北歸直清相虎

帳西龍圖閣在久困土山緣直道依然常耻病于畦

子容頊罷西掖退為
散郎奉常參逾年

路上舟中作初致政自

詔乘巨艦濟安流聖念偏於老者優堪笑霸臣何瑣

瑣五湖歸去一扁舟

行及白馬寺捧留守相公韓國手翰且云名



園例惜好花以俟同賞因成小詩

公書若惜春光晚柳絮榆錢撲面飛惟說名園絕竒品留花未發待翁歸

去歲曾吟怨別詩今春醉賞又參差洛城雖足歸來晚趁得姚黃正發時

留守相公康寵召同賞花歡飲兼示雅章次韻

洛表衡臯穀雨天歸來景物尚鮮妍喜隨使旆尋花圃急趁賓簪赴綺筵酒撥嫩醅傾綠液曲調新譜促朱絃玉堂仙客應潛笑強作風情學少年

文潞公文集卷第七

律詩

留守相公寵示東田讌集詩依韻和呈韓康公

昔同徐勉構東田花竹成陰雨後天為愛憲臺寬口簡得隨相府賞紅蓮清樽屢酌吟情逸紅袖頻翻舞態妍歸興直須三鼓盡月華况是十分圓

端午日招諸公於敝園為角黍之會獨堯夫

不至因成小詩奉呈用資一笑堯夫相為西臺

藥餌從來多客至人情大抵見榮觀戴崇貪赴安昌會必為東田不足歡